



კანონთა და განკარგულებების კრების პირველი

ამიერკავკასიის სოციალისტური ფედერაციული საბჭოთა რესპუბლიკის მუშათა და გლეხთა მთავრობისა.

| | | |
|------------------------|-----------------------------------|--|
| 1928 წლის თებერვლის 1. | № 2 გენყოფილება პირველი | ა/კ. ც. ა. კომიტ. საკანონმდებლო კომისიასთან არსებული კანონთა გამოქვეყნების განყოფილების მიერ გამოცემული. |
|------------------------|-----------------------------------|--|

შ ი ნ ა ა რ ს ი :

- მუხ. 12. სახელმწიფო და ადგილობრივი გადასახადისა, გამოსაღებისა და ბაჟის მენარჩენეთა ქონების შეგვისა და საჯარო ვაჭრობით გაყიდვის წესების 1 მუხლისათვის მე-4 შენიშვნის დამატების შესახებ.
- .. 13. ამიერკავკასიის რეინის გზის აღმოსავლეთის უბნის მდგომარეობის გამოსაკვლევად კომისიის დაარსების შესახებ.
- .. 14. ინსტრუქცია ა/კსტსრ სახალხო კომისართა საბჭოს მიერ „სამომხმარებლო საზოგადოებათა და მათ კავშირთა წესდების რეგისტრაციის წესის თაობაზე“ 1927 წლის ნოემბრის 17-ის თარიღითა და 55 №-ით გამოცემული დადგენილების შეფარდების შესახებ.—დამტკიცებული 1927 წ. დეკემბრის 17-ს ა/კსტსრ ვაჭრობის სახალხო კომისარიატის მიერ, ამიერკავკასიის კოოპერატივთა კავშირთან და ამიერკავკასიის პროფესიონალურ კავშირთა საბჭოსთან შეთანხმებით.
- .. 15. ანხ. ს. ლ. ლუკაშინის ა/კსტსრ სახალხო კომისართა საბჭოს თავმჯდომარის მრადგილისა და ა/კსტსრ მუშათა და გლეხთა ინსპექციის სახალხო კომისიის მოვალეობისაგან განთავისუფლებისა და ანხ. ა. მ. ნაზარეთიანის ა/კსტსრ მუშათა და გლეხთა ინსპექციის სახალხო კომისრად დანიშვნის შესახებ.
- .. 16. ა/კსტსრ-ში საზომ-საწონთა შემოწმებელი პალატების მიერ ელექტრონის მრიცხველთა შემოწმებისა და დადაღვის გამოსაღების ნიხრის დამტკიცების შესახებ.
- .. 17. მვიდი საათის სამუშაო დღის პრაქტიკულად განხორციელების საკიონის შესამუშავებლად ამიერკავკასიისა და რესპუბლიკანური კომისიების დაარსების შესახებ.
- .. 18. მუშათა საბინაო მშენებლობის გეგმების წარდგენისა და აღწესების შესახებ.
- .. 19. მცირე შეძლების მონახლოვისათვის ადგილობრივი გადასახადის ნარჩენისა, ჯარიმისა, და საურავის მოხსნის შესახებ.
- .. 20. ამიერკავკასიის საავტო-ტრანსპორტო სამრეწველო-საევატო საზოგადოებისა და შოფერთა კოოპერატიული ამხანაგობის „მოტორ“-ის საქართველოს ოფსაბლიკის ტერიტორიის ავტო-რეისების სამგზავრო ბილეთებზე მიზნობრივი გამოსაღების დაწესების შესახებ საავტო-ტრანსპორტო პროფტეხნიკური განათლების ფონდისათვის.
- .. 21. შინგამოზიდო რაყის დამზადებასთან ბრძოლის ღონისძიებათა გაძლიერების შესახებ.
- .. 22. რესპუბლიკანური მნიშვნელობის გზებისათვის ხელმძღვანელობისა და მეთვალყურეობის გაწევის წესის შესახებ.
- .. 23. ოთხფეხი საქონლისა და ცხოველთა უმი პრფდუტების საეკტრინარო გასინჯვის გამოსაღების შესახებ.
- .. 24. დებულება ა/კსტსრ უმაღლეს ეკონომიორ საბჭოსთან არსებული ამიერკავკასიის უმაღლესი საარბიტრაჟო კომისიის შესახებ.

დადგენილება № 1 ა/კსფსრ სახალხო კომისართა საბჭოსი.

12. სახელმწიფო და ადგილობრივი გადასახადისა, გამოსაღებისა და ბაჟის მენარჩენთა ქონების შეეკრისა და საჯარო ვაჭრობით გაყიდვის წესების 1-ლი მუხლისათვის მე-4 შენიშვნის დამატების შესახებ.

ა/კსფსრ სახალხო კომისართა საბჭო ადგენს:

ა/კსფსრ სახალხო კომისართა საბჭოს მიერ სახელმწიფო და ადგილობრივი გადასახადისა, გამოსაღებისა და ბაჟის მენარჩენთა ქონების შეეკრისა და საჯარო ვაჭრობით გაყიდვის შესახებ 1926 წლის აპრილის 15-ს დამტკიცებული წესების (ა/კსფსრ კან. კრებ. 1926 წ. № 4, მუხ. 638) 1-ლ მუხლს დაემატოს მე-4 შენიშვნა შემდეგი შინაარსისა:

„**შენიშვნა 4.** ყოველგვარი გადასახადის (გარდა სასოფლო-სამეურნეო გადასახადისა) მენარჩენის ქონება აწერილი უნდა იყოს იმ გამონაკლისით, რაც დადგენილია ა/კსფსრ შედგენილობაში შემავალი სათანადო რესპუბლიკის კანონმდებლობით; აწერა უნდა მოხდეს იმ რაოდენობით, რაც საკმარისი იქნება იმისათვის, რომ დაიფაროს ნარჩენი საურაჟით; ამას უნდა მიემატოს დანარიცხი გადახდევინების ხარჯის დასაფარავად გადასახდელის თანხის 80/100-ის რაოდენობით. სასოფლო-სამეურნეო გადასახადის მენარჩენის ქონების აწერა მოხდება სასოფლო-სამეურნეო გადასახადის დებულების საფუძველზე გამოცემული ინსტრუქციების მიხედვით.“

ა/კსფსრ სახალხო კომისართა საბჭოს თავმჯდომარე **შ. ელიავა.**

ა/კსფსრ სახალხო კომისართა საბჭ. საქ. მმართველი **ნ. სოკოლოვსკი.**

ტფილისი — სასახლე. 1928 წ. იანვრის 5.

გამოქვეყნებულია „ზარია ვოსტოკა“-ს 13 (1679) №-ში 1928 წ. იანვრის 71-ს.

დადგენილება № 2 ა/კსფსრ სახალხო კომისართა საბჭოსი.

13. ამიერკავკასიის რკინის გზის აღმოსავლეთის უბნის მდგომარეობის გამოსაკვლევად კომისიის დაარსების შესახებ.

რადგანაც ამიერკავკასიის რკინისგზის აზერბაიჯანის უბანში უკანასკნელ დროს გადიდა ისეთ შემთხვევათა რიცხვი, რაც ხელს უშლის მატარებლების ნორმალურ მოძრაობას და რაც თვალსაჩინო მატერიალურ ზიანს აყენებს ტრანსპორტსა და იმ ორგანიზაციებს, რომელთაც ტრანსპორტი მომსახურეობას უწევს, ა/კსფსრ სახალხო კომისართა საბჭო ადგენს:

ამიერკავკასიის რკინისგზის აღმოსავლეთ უბნის მდგომარეობის გამო-საკვლევად დაარსებულ იქნეს კომისია, რომელშიაც შევიდნენ: ამხ. ყარაევი (თავ-მჯდომარე), რზაევი (აზერბაიჯანის სახელმწიფო პოლიტიკური სამმართველო), აბდულაევი (ა/კ. რკინისგზის პროფ. კავშირი), ავაქიანი (ა/კსფსრ მუშათა და გლეხთა ინსპექცია), ჟ. ქავთარაძე (ამიერკავკასიის სახელმწიფო პოლიტიკური სამმართველო), ივანოვი (სსრკ გზათა სახალხო კომის. რწმუნებული ა/კ. რკი-ნის გზაზე და ამავე რკ. გზის გამგეობის თავმჯდომარე) და ბაირამოვი (სსრკ გზათა სახ. კომ. რწმუნებულისა და ა/კ. რკინისგზის გამგეობის თავმჯდომარის წარმომადგენელი მე-4 რაიონში).

კომისია მუშაობას დაუყოვნებლივ შეუდგება.

გამოკვლევის შედეგი წარმოდგენილ უნდა იქნეს 7 დღის ვასვლისას.

ა/კსფსრ სახ. კომისართა საბჭოს თავმჯდომარე შ. ელიაძე.

ა/კსფსრ სახ. კომისართა საბჭ. საქ. მმართველი ნ. სოკოლოვსკი.

ტფილისი-სასახლე. 1928 წ. იანვრის 16-ს.

გამოქვეყნებულია „ზარია ვოსტოკა“-ს 13 (1679) №-ში 1928 წ. იანვრის 17-ს.

ი ნ ს ტ რ უ ქ ც ი ა

14. ა/კსფსრ სახალხო კომისართა საბჭოს მიერ „სამომხმარებლო სა-ზოგადოებათა და მათ კავშირთა წესდებების რეგისტრაციის წე-სის თაობაზე“ 1927 წლის ნოემბრის 17-ის თარიღითა და 55 №-ით გამოცემული დადგენილების შეფარდების შესახებ,— დამტკიცებული 1927 წ. დეკემბრის 17-ს ა/კსფსრ ვაქრობის სახალხო კომისარიატის მიერ, ამიერკავკასიის კოოპერატივთა კავშირთან და ამიერკავკასიის პროფესიონალურ კავშირთა საბ-ჭოსთან შეთანხმებით.

§ 1. ა/კსფსრ ვაქრობის სახალხო კომისარიატის რწმუნებულთა სამმართვე-ლოებთან საქართველოს სსრ, სომხეთის სსრ და აზერბაიჯანის სსრ-ში და ავ-რეთვე ა/კსფსრ ვაქრობის სახალხო კომისარიატის რწმუნებულის წარმომადგე-ნელთან საქართველოს სსრ-ში—აფხაზეთისათვის,—მოეწყობა სამომხმარებლო სა-ზოგადოებათა წესდებების სარეგისტრაციო რესპუბლიკანური კომისიები სამი პირის შედგენილობით: თავმჯდომარე ან, მისი არ ყოფნის დროს, მოადგილე, რომელთაც დანიშნავს ვაქრობის სახალხო კომისარიატის სათანადო ორგანო, და ორი წევრი, რომელთაგან ერთს წარგზავნის სამომხმარებლო კოოპერატივთა კავშირი სარეგისტრაციო კომისიის სამყოფელი ადგილის მიხედვით, ხოლო მეო-რეს—პროფესიონალურ კავშირთა ადგილობრივი საბჭო ან ბიურო.

შენიშვნა. იმ სამომხმარებლო საზოგადოებას, რომლის მოქმედების რაიონიც ა/კსფსრ შედგენილობაში შემაჯალი ერთ-ერთი რესპუბლიკის

ფარგალს სცილდება, რეგისტრაციას გაუკეთებს ა/კსფსრ ვაჭრობის სახალხო კომისარიატთან არსებული ცენტრალური სარეგისტრაციო კომისია.

§ 2. სამომხმარებლო საზოგადოებათა კავშირის წესდების რეგისტრაცია სწარმოებს ა/კსფსრ ვაჭრობის სახალხო კომისარიატთან არსებულ ცენტრალურ სარეგისტრაციო კომისიაში; ამ კომისიაში შედის 3 პირი: თავმჯდომარე ან, მისი არყოფნის დროს, მოადგილე, რომელთაც დანიშნავს ა/კსფსრ ვაჭრობის სახალხო კომისარიატის კოლეგია, და ორი წევრი, რომელთაგან ერთს წარგზავნის ამიერკავკასიის კოოპერატივთა კავშირი, ხოლო მეორეს—ამიერკავკასიის პროფ. კავშირთა საბჭო.

შენიშვნა. სამომხმარებლო საზოგადოებათა და კავშირთა წესდების რეგისტრაცია, ამა დადგენილების თანახმად, მოხდება, მათ სავაჭრო და სამრეწველო საწარმოთა სავაჭრო რეგისტრაციისაგან დამოუკიდებლად, სავაჭრო რეგისტრაციის დებულების (სსრკ კან. კრებ. 1927 წ. № 57, მუხ. 579) მიხედვით.

§ 3. ა/კსფსრ ვაჭრობის სახალხო კომისარიატთან არსებული ცენტრალური სარეგისტრაციო კომისიის მიზანია: 1) რეგისტრაცია გაუკეთოს სამომხმარებლო საზოგადოებათა ყველა საფეხურის კავშირს (გარდა ამიერკავკასიის კოოპერატივთა კავშირისა) და იმ სამომხმარებლო საზოგადოებებს, რომელნიც აღნიშნულ არიან 1 §-ის შენიშვნაში; 2) ხელმძღვანელობა გაუწიოს სამომხმარებლო საზოგადოებათა წესდებების რესპუბლიკანური სარეგისტრაციო კომისების მუშაობას; 3) განიხილოს და გადასწყვიტოს სამომხმარებლო საზოგადოებათა რესპუბლიკანური სარეგისტრაციო კომისიის დადგენილების გამო შეტანილი საჩივარი და პროტესტი (იხ. § 24).

§ 4. სარეგისტრაციო კომისიებში წარმოებულ უნდა იქნეს:

ა) რესპუბლიკანურ კომისიაში: 1) რეგისტრაციაქმნილ სამომხმარებლო საზოგადოებათა რეესტრი, 2) რეგისტრაციაქმნილ საზოგადოებათა აღფაბეტი, 3) გასაცემ ამონაწერთა და ასლთა დავთარი, 4) იმ სამომხმარებლო საზოგადოებათა აღფაბეტი, რომელთაგანაც მიღებულია შუამდგომლობა რეგისტრაციის შესახებ, 5) ყველა წარმოებულ საქმის ჟურნალი;

ბ) ცენტრალურ კომისიაში: 1) სამომხმარებლო საზოგადოებათა რეგისტრაციაქმნილი კავშირებისა და 1-ლი §-ის შენიშვნაში აღნიშნულ რეგისტრაციაქმნილ სამომხმარებლო საზოგადოებათა რეესტრი; 2) სამომხმარებლო საზოგადოებათა რეგისტრაციაქმნილი კავშირებისა და 1-ლი §-ის შენიშვნაში აღნიშნულ რეგისტრაციაქმნილ სამომხმარებლო საზოგადოებათა აღფაბეტი, 3) გასაცემ ამონაწერთა და ასლთა დავთარი, 4) აღფაბეტი იმ სამომხმარებლო საზოგადოებათა კავშირებისა და 1-ლი §-ის შენიშვნაში აღნიშნული იმ სამომხმარებლო საზოგადოებებისა, რომელთაგანაც მიღებულია შუამდგომლობა რეგისტრაციის შესახებ, 5) ყველა წარმოებულ საქმის ჟურნალი, 6) იმ სამომხმარებლო საზოგადოებათა აღფაბეტი, რომელთა რეგისტრაციის გამოც მიღებულია საჩივარი ან პროტესტი, 7) საქართველოს, აზერბაიჯანისა და სომხეთის რესპუბლიკებში რეგისტრაციაქმნილ სამომხმარებლო საზოგადოებათა აღფაბეტი.

ამის გარდა, შეიძლება შემოღებულ იქნეს დამატებითი დავთრები კომისიის შეხედულებისამებრ.

§ 5. წინა პარაგრაფში აღნიშნული რეესტრი ზონარგაყრილი და შემოწმებული უნდა იქნეს ბეჭდის დასმით და კომისიის თავმჯდომარისა და მდივნის ხელისმოწერით.

§ 6. რეესტრაციაქმნილ სამომხმარებლო საზოგადოებათა და კავშირთა ნუმერაცია რეესტრში არ განახლებება წლის დაწყებისას ან ახალი ტომის შედგენისას, არამედ წარმოებულ უნდა იქნეს ერთი ნუმერაცია განუწყვეტილად მთლად სარეესტრაციო კომისიის არსებობის პერიოდის განმავლობაში.

§ 7. თვითული სამომხმარებლო კოოპერატიული ორგანიზაციისათვის, რომლის რეესტრაციის შესახებაც აღძრულია შუამდგომლობა, შედგენილ უნდა იქნეს ცალკე საქმე; საქმეში ინახება კომისიაში მიღებული განცხადება რეესტრაციის შესახებ, თანდართული დოკუმენტებით, ერთი ცალი წესდება და ტექსტი წესდების ყველა შემდგომი ცვლილებისა და დამატებისა, მთელი მიწერ-მოწერა საქმის გამო და კომისიის დადგენილება ამ საქმის შესახებ.

§ 8. რეესტრაციაქმნილ სამომხმარებლო საზოგადოებათა და კავშირთა რეესტრში თვითულ ორგანიზაციის მიეკუთვნება ცალკე ფურცელი, რომელზედაც განსაკუთრებულ გრაფებში აღინიშნება: ა) №№ რიგზე; ბ) საზოგადოების ან კავშირის სახელწოდება; გ) წინა რეესტრაციის დრო; დ) აწინდელი რეესტრაციის (ან ხელახალი რეესტრაციის) დრო; ე) მოქმედების რაიონი; ზ) მმართველობის ორგანოები და სარევიზიო კომისია; ზ) გამგეობის სამყოფელი ადგილი; თ) საპაიო და შესასვლელი შენატანის რაოდენობა და ჯერადი დამატებითი პასუხისმგებლობის ფარგალი; ი) კავშირისათვის—კავშირის წევრთა სია, მათი კავშირში შესვლისა და კავშირიდან გამოსვლის თარიღის აღნიშვნით; კ) წესდების შეცვლისა და დამატების თარიღი; ლ) ლიკვიდაციის დრო და მიზეზი; მ) შენიშვნა.

§ 9. სარეესტრაციო კომისიის რეესტრისა და საქმეების დათვალიერება შეუძლიან ყველა მსურველს. ეს დათვალიერება შეიძლება სწარმოებდეს მხოლოდ იმ სადგომში, სადაც რეესტრი და საქმეებია.

§ 10. კომისიის სხდომებისათვის შესდგება ოქმი, რომელშიაც ჩაიწერება ყველა მიღებული დადგენილება; ოქმს ხელს მოაწერს კომისიის შედგენილობა და მისი მდივანი. რესპუბლიკანური კომისიის ოქმის ასლი ცნობად გაეგზავნება ცენტრალურ კომისიას.

§ 11. განცხადებას ახლად დაარსებული სამომხმარებლო კოოპერატიული ორგანიზაციის რეესტრაციის შესახებ ხელს მოაწერენ დამფუძნებელთა კრების მიერ არჩეული საორგანიზაციო კომისიის წევრები, ხოლო განცხადებას წინად დაარსებულ ორგანიზაციათა რეესტრაციის შესახებ ან რეესტრაციაქმნილ ორგანიზაციათა წესდებების ცვლილებისა და დამატების რეესტრაციის შესახებ ხელს მოაწერს ამ ორგანიზაციათა გამგეობა.

სარეესტრაციო საქმის წარმოებისათვის რწმუნებულობა მიეცემა ერთ პირს (მიუხედავად იმისა, ეკუთვნის თუ არა იგი სარეესტრაციო ორგანიზაციის მმართველ ორგანოებს) სარეესტრაციო კომისიაში შეტანილი განცხადების ფორ-

მით. აღნიშნული რწმუნებულობა შეიძლება მიეცეს სამომხმარებლო საზოგადოების სათანადო კავშირსაც, რომელიც ამ შემთხვევაში წარგზავნის სარეგისტრაციო კომისიის სხდომაზე თავის განსაკუთრებულ წარმომადგენელს.

§ 12. რეგისტრაციის შესახებ შეტანილი განცხადებისათვის და რეგისტრაციასთან დაკავშირებით წარდგენილი სხვა ქალაქისათვის საღერბო და საკანცელარო გამოსაღები გადახდევინებული არ უნდა იქნეს.

§ 13. რეგისტრაციის შესახებ წარდგენილ განცხადებაში საორგანიზაციო კომისიის წევრებმა და ამ კომისიის რწმუნებულობით მოქმედმა პირმა უნდა აღნიშნონ საორგანიზაციო კომისიის მისამართი და სამყოფელი ადგილი, რომლის მიხედვითაც სარეგისტრაციო კომისია გაგზავნის უწყებას და სხვა ქალაქს საქმისგამო.

§ 14. განცხადებას რეგისტრაციის შესახებ უნდა დაერთოს:

1) ორგანიზაციის სრულიად ერთმანეთის მსგავსი სამი ცალი წესდება, საორგანიზაციო კომისიის ან გამგეობის მიერ ხელმოწერილი (§12);

2) დამფუძნებელთა კრების ან საერთო კრების (რწმუნებულთა კრება) ოქმი ახლად დაარსებული ორგანიზაციის წესდების მიღებისა და საორგანიზაციო კომისიის არჩევის შესახებ.

შენიშვნა. დამფუძნებელთა კრებას შეუძლიან რწმუნებამოსილკოს საორგანიზაციო კომისია, ხოლო საერთო კრებას (რწმუნებულთა კრებას)— გამგეობა სარეგისტრაციო კომისიის მოთხოვნით წესდებაში ცვლილებისა და დამატების შეტანისათვის. ეს რწმუნებულობა აღნიშნულ უნდა იქნეს ოქმში წესდების მიღების შესახებ.

3) სამომხმარებლო საზოგადოების ზემდგომი კავშირის აზრი იმის შესახებ, რომ: ა) დაარსებული სამომხმარებლო საზოგადოების წევრთა რიცხვი შეეფერება სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ სამომხმარებლო კოოპერაციის შესახებ 1924 წლის მაისის 20-ის თარიღით გამოცემული დეკრეტის (მთავრობის „ვესტნიკი“ 1924 წ. № 5, მუხ. 172) მე-5 მუხლის მოთხოვნას და ბ) დაარსებული სამომხმარებლო საზოგადოების ან კავშირის წესდება შეეფერება კანონის მოთხოვნას.

შენიშვნა. აზრი პირველი საფეხურის სამომხმარებლო საზოგადოების შესახებ, გარდა 1-ლი §-ის შენიშვნაში აღნიშნული ორგანიზაციებისა, უნდა მისცეს სამომხმარებლო საზოგადოებათა იმ კავშირმა, რომლის მოქმედების რაიონშიაც ორგანიზაცია არსდება, ხოლო 1-ლი §-ის შენიშვნაში აღნიშნულ სამომხმარებლო საზოგადოებათა და ამ საზოგადოებათა კავშირების შესახებ—ამიერკავკასიის კოოპერატივთა კავშირმა.

§ 15. განცხადებაზე ხელისმოწერა უნდა შეამოწმოს სახალხო მოსმართლემ, ხოლო იმ ადგილას, სადაც სახალხო მოსამართლე არ არის,—ადგილობრივმა საბჭომ ან ვოლოსტის აღმასრულებელმა კომიტეტმა, კუთვნილებისამებრ.

§ 16. წესდების შეცვლისა ან დამატების შესახებ შეტანილ განცხადებასთან ერთად წარდგენილ უნდა იქნეს: 1) ცვლილებისა ან დამატების სამი სრულიად ერთმანეთის მსგავსი, ტექსტი; 2) საერთო კრების (რწმუნებულთა კრების) ოქმის ამონაწერი აღნიშნული ცვლილებისა ან დამატების მიღების შესახებ; 3)

მე-14 §-ის მე-3 პუნქტის შენიშვნაში აღნიშნული ერთ-ერთი სათანადო ზემდგომი მოკავშირე ორგანიზაციის აზრი იმის შესახებ, რომ: ა) წესდების ცვლილება ან დამატება კანონის მოთხოვნას შეეფერება, ბ) წევრთა რიცხვი იმ პირველი საფეხურის სამომხმარებლო ორგანიზაციისა, რომელმაც რეგისტრაციის შესახებ განცხადება შეიტანა, შეეფერება სსრკ ცენტრალური აღმასრულებელი კომიტეტისა და სახალხო კომისართა საბჭოს 1924 წ. მაისის 5-ის თარიღის დეკრეტის მე-5 მუხლის მოთხოვნას (იხ. მე-14 §-ის მე-3 პუნქტი).

წესდების შეცვლისა და დამატების შესახებ წარდგენილ ყველა დოკუმენტს ხელს მოაწერს გამგეობა.

§ 17. სარეგისტრაციო კომისია ვალდებულია ერთი თვის განმავლობაში დღიდან რეგისტრაციის შესახებ განცხადების მიღებისა გადასწყვიტოს აღძრული შუამდგომლობა. უკეთეს ერთი თვის განმავლობაში დღიდან რეგისტრაციის თაობაზე შუამდგომლობის მიღებისა კომისია არ მიიღებს დადგენილებას რეგისტრაციის შესახებ ან რეგისტრაციაზე უარის თქმის შესახებ, სათანადო ორგანიზაცია რეგისტრაციაქმილად ჩაითვლება და იგი დაუყოვნებლივ შეტანილ უნდა იქნეს რეგისტრში.

§ 18. სამი დღის განმავლობაში მას შემდეგ, რაც კომისია მიიღებს დადგენილებას ორგანიზაციის წესდების რეგისტრაციისა და აგრეთვე წესდების ცვლილებისა და დამატების შესახებ, რეგისტრში შეტანილ უნდა იქნეს სათანადო ჩანაწერი. ამ მომენტიდან კოოპერატიულ ორგანიზაციას აქვს იურიდიული პირის უფლება. აღნიშნული ჩანაწერის შეტანის შესახებ უნდა გაუკეთდეს წარწერა სამივე ცალ წესდებას ან სამივე ცალ ცვლილებასა და დამატებას. შენიშვნა ცვლილებისა და დამატების შესახებ გაუკეთდება კოოპერატიული ორგანიზაციისათვის მიცემულ წესდების დედანს.

§ 19. რეგისტრის ყოველ ჩანაწერს ხელი უნდა მოაწეროს კომისიის თავმჯდომარემ და მდივანმა.

§ 20. კომისიის დადგენილება ორგანიზაციის რეგისტრაციისა ან რეგისტრში წესდების ცვლილებისა და დამატების აღნიშვნის შესახებ ეცნობება იმ ორგანიზაციას, რომლის შუამდგომლობითაც დადგენილება მიღებულ იქნა, რისთვისაც მას დაებრუნება ერთი ცალი წესდება, ან ცვლილებისა თუ დამატების ტექსტი წარწერით იმის შესახებ, რომ რეგისტრში შეტანილია სათანადო ჩანაწერი (§ 19).

§ 21. ორგანიზაციის წესდების რეგისტრაციაზე უარის თქმა კომისიას შეუძლიან მხოლოდ იმ შემთხვევაში, უკეთეს წესდება ან მასში შეტანილი ცვლილება თუ დამატება მომქმედი კანონების მოთხოვნას არ შეეფერება, და, კერძოდ, უკეთეს ახლად დაარსებული ან მომქმედი სამომხმარებლო საზოგადოების წევრთა რიცხვი არ შეეფერება სამომხმარებლო საზოგადოებათა ადგილობრივი კავშირისაგან, — სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ „სამომხმარებლო კოოპერაციის შესახებ“ 1924 წლის მაისის 20-ის თარიღით გამოცემული დეკრეტის (მთავრობის „ვესტნიკი“ 1924 წ. № 5, მუხლი 172) მე-5 მუხლის თანახმად, — დადგენილ ნორმებს; ამასთანავე, დადგენილება რეგისტრაციაზე უარის თქმის შესახებ უნდა შეიცავდეს იმ საფუძველს, რომლის გამოც ორგანიზაციის რეგისტრაციაზე უარი ეთქვა.

§ 22. ასლი დასაბუთებული დადგენილებისა წესდების ან მისი ცვლილებისა და დამატების რეგისტრაციაზე უარის თქმის შესახებ, სამი დღის განმავლობაში დადგენილების გამოტანის დღიდან, გაეგზავნება იმ ორგანიზაციას, რომელმაც რეგისტრაციის თაობაზე განცხადება შეიტანა.

§ 23. განცხადების შემტან ორგანიზაციას შეუძლიან ერთი თვის განმავლობაში დასაბუთებული დადგენილების ასლის ჩაბარების დღიდან (§ 22) შეიტანოს საჩივარი, ხოლო მთავრობის დაწესებულებას ან 24 §-ში აღნიშნულ სამომხმარებლო საზოგადოებათა კავშირს შეუძლიან განაცხადოს პროტესტი: 1) რესპუბლიკანური კომისიის დადგენილების გამო—ცენტრალურ კომისიაში და 2) ცენტრალური კომისიის დადგენილების გამო—ა/კსფსრ ვაჭრობის სახალხო კომისარიატის კოლეგიაში. საჩივარი და პროტესტი შეიტანება იმ კომისიის მეშვეობით, რომელმაც დადგენილება გამოიტანა; აღნიშნული კომისია ვალდებულია სამი დღის განმავლობაში წარმართოს საჩივარი ან პროტესტი, საქმიता და თავისი ახსნა-განმარტებით, დანიშნულებისამებრ.

§ 24. პროტესტის უფლება აქვს: 1) სამომხმარებლო საზოგადოებათა წესდებების სარეგისტრაციო რესპუბლიკანური კომისიის დადგენილების მიმართ—საქალაქო ან სამაზრო აღმასრულებელ კომიტეტსა და სამომხმარებლო საზოგადოებათა კავშირს, რეგისტრაციაში გასატარებელი ორგანიზაციის გამგეობის სამყოფელი ადგილის მიხედვით, მისი წესდების თანახმად; 2) ცენტრალური სარეგისტრაციო კომისიის დადგენილების მიმართ—იმ რესპუბლიკის ეკონომიურ საბჭოს, რომლის ტერიტორიაზედაც რეგისტრაციაში გასატარებელი ორგანიზაციის გამგეობა იმყოფება, მისი წესდების თანახმად, და ამიერკავკასიის კოოპერატივთა კავშირს.

§ 25. ცენტრალური კომისია, ხოლო სათანადო შემთხვევაში—ა/კსფსრ ვაჭრობის სახალხო კომისარიატის კოლეგია ვალდებულია განიხილოს საჩივარი ან პროტესტი ორი კვირის ვადაზე დღიდან კომისიაში ან ვაჭრობის სახალხო კომისარიატის კოლეგიაში საქმის მიღებისა.

ა/კსფსრ ვაჭრობის სახალხო კომისარიატის კოლეგიის სხდომაზე აღნიშნული საჩივრისა თუ პროტესტის განხილვის დროს მიწვეულ უნდა იქნეს ამიერკავკასიის კოოპერატივთა კავშირისა და ამიერკავკასიის პროფ. კავშირთა საბჭოს პრეზიდიუმის თითო წარმომადგენელი.

§ 26. ასლი ცენტრალური სარეგისტრაციო კომისიის გადაწყვეტილებისა სამომხმარებლო საზოგადოებათა წესდების სარეგისტრაციო რესპუბლიკანური კომისიის დადგენილების გამო წარდგენილი საჩივრისა ან პროტესტის შესახებ და აგრეთვე ასლი ა/კსფსრ ვაჭრობის სახალხო კომისარიატის კოლეგიის გადაწყვეტილებისა ცენტრალური სარეგისტრაციო კომისიის დადგენილების გამო წარდგენილი საჩივრისა ან პროტესტის შესახებ, სამი დღის განმავლობაში დღიდან გადაწყვეტილების გამოტანისა, გაეგზავნება; ა) იმ კომისიას, რომლის დადგენილების გამოც შეტანილია საჩივარი ან პროტესტი; ბ) იმ ორგანიზაციას, რომელმაც საჩივარი შეიტანა ან და გ) მთავრობის დაწესებულებას ან სამომხმარებლო საზოგადოებათა კავშირს, რომელთაც პროტესტი განაცხადეს.

საჩივრის ან პროტესტის შესახებ გამოტანილი გადაწყვეტილების ასლის მიღებისას კომისია ვალდებულია სამი დღის განმავლობაში აღასრულოს აღნიშნული გადაწყვეტილება და დაუყონებლივ აცნობოს ეს იმ ორგანიზაციას, რომლის შუამდგომლობითაც საქმე შეტანილ იქნა კომისიაში.

§ 27. ა/კფსრ სახალხო კომისართა საბჭოს 1927 წლის ნოემბრის 17-ის თარიღისა და 55 №-ის დადგენილების („ზარია ვოსტოკა“-ს 1638 №, 1927 წ. ნოემბრის 29-ისა) თანახმად სამომხმარებლო საზოგადოებათა და მათ-კავშირთა წესდებანი, რაც რეგისტრაციაქმილია სამომხმარებლო კოოპერაციის ორგანოებში და სხვა ორგანოებში, ხელახლად გატარებულ უნდა იქნენ რეგისტრაციაში 1928 წლის მაისის 1-მდე ხსენებული 1927 წლის ნოემბრის 17-ის თარიღისა და 55 №-ის დადგენილებით და ამა ინსტრუქციით გათვალისწინებული წესისამებრ; ყველა ორგანიზაციას, რომლის წესდებასაც აღნიშნულ საფუძველზე 1928 წლის მაისის 1-მდე რეგისტრაცია არ გაუკეთდება, ლიკვიდაცია უნდა ექნეს.

§ 28. ვაჭრობის სახალხო კომისარიატის ორგანოებთან არსებულ სარეგისტრაციო კომისიას უფლება ეძლევა ზედამხედველობა გაუწიოს კოოპერატიული პრინციპების განხორციელების საქმეს იმ ორგანიზაციების მიერ, რომელთა წესდებასაც ამ კომისიაში რეგისტრაცია გაუკეთდება; ამ მიზნით ყველა კომისიას (როგორც რესპუბლიკანურს, ისე ცენტრალურს) შეუძლიან დააკისროს სამომხმარებლო საზოგადოებათა სათანადო კავშირს ამ ორგანიზაციების მოწყობა.

§ 29. უკეთეს სამომხმარებლო კოოპერატიული ორგანიზაციის მოქმედებაში აღმოჩენილ იქნება წესდებით გათვალისწინებული მიზნისაგან გადახვევა იმ მიმართულებით, რაც სახელმწიფოს ინტერესებს ეწინააღმდეგება, კომისია წარმართავს სათანადო მოხსენებას ამგვარი ორგანიზაციის ლიკვიდაციის შესახებ იმ საფუძველზე, რაც გათვალისწინებულია სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ „სამომხმარებლო კოოპერაციის შესახებ“ 1924 წლის მაისის 20-ის თარიღით გამოცემული დეკრეტის (მთავრობის „ვესტნიკი“ 1924 წ. № 5, მუხ. 172) მე-16 მუხლის „დ“ პუნქტში.

§ 30. გადაწყვეტილება ორგანიზაციის სალიკვიდაციოდ წარდგენის თაობაზე კომისიის მიერ გამოიტანება მხოლოდ მას შემდეგ, რაც ამ კოოპერატიული ორგანიზაციის ზემდგომი საკავშირო შენაერთი მისცემს სათანადო დასკვნას საქმის არსებითი გარემოების შესახებ.

ა/კფსრ ვაჭრობის სახალხო კომისარი ა. ბეკზადიანი.

ამიერკავკასიის პროფ. კავშ. საბჭოს თავმჯდომარე იაკუბოვი.

ამიერკავკასიის კოოპ. კავშ. გამგეობის თავმჯდომარე ბუკრევი.

გამოქვეყნებულია „ზარია ვოსტოკა“-ს 13 (1679) № ში 1928 წლის იანვრის 17-ს.

დადგენილება ამიერკავკასიის ცენტრალური აღმასრულებელი კომიტეტის პრეზიდიუმისა.

15. ამხ. ს. ლ. ლუკაშინის ა/კსფსრ სახალხო კომისართა საბჭოს თავმჯდომარის მოადგილისა და ა/კსფსრ მუშათა და გლეხთა ინსპექციის სახალხო კომისრის მოვალეობისაგან განთავისუფლებისა და ამხ. ა. მ. ნაზარეთიანის ა/კსფსრ მუშათა და გლეხთა ინსპექციის სახალხო კომისრად დანიშვნის შესახებ.

ამიერკავკასიის ცენტრალური აღმასრულებელი კომიტეტის პრეზიდიუმი აღგენს:

I. განთავისუფლებულ იქნეს ამხ. სარკის ლუკიანეს-ძე ლუკაშინი, მისი თხოვნის თანახმად, ა/კსფსრ სახალხო კომისართა საბჭოს თავმჯდომარის მოადგილისა და ა/კსფსრ მუშათა და გლეხთა ინსპექციის სახალხო კომისრის მოვალეობისაგან.

II. დანიშნულ იქნეს ა/კსფსრ მუშათა და გლეხთა ინსპექციის სახალხო კომისრად ამხ. ამაიაკ მარქარას ძე ნაზარეთიანი.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

ტფილისი—სასახლე. 1928 წლის იანვრის 16.

გამოქვეყნებულია „ზარია ვოსტოკა“-ს 15 (1681) №-ში 1928 წ. იანვრის 19-ს.

დადგენილება № 3 ა/კსფსრ სახალხო კომისართა საბჭოსი

16. ა/კსფსრ-ში საზომ-საწონთა შემოწმებელი პალატების მიერ ელექტრონის მრიცხველთა შემოწმებისა და დადაღვის გამოსაღების ნიხრის დამტკიცების შესახებ.

ა/კსფსრ სახალხო კომისართა საბჭოს მიერ ა/კსფსრ ტერიტორიაზე ელექტრონის მრიცხველთა შემოწმებისა და დადაღვის შესახებ 1927 წლის იანვრის 27-ის თარიღითა და 4 №-ით გამოცემული დადგენილების (ა/კსფსრ კან. კრებ. 1927 წ. № 3, მუხ. 34) მე-8 მუხლის მიხედვით—ა/კსფსრ სახალხო კომისართა საბჭო აღგენს:

დამტკიცებულ და სამოქმედოდ შემოღებულ იქნეს შემდეგი ნიხრი.

ა/კსფსრ სახალხო კომისართა საბჭოს თავმჯდომარე შ. ელიავა.

ა/კსფსრ სახ. კომისართა საბჭოს საქმეთა მმართველი ნ. სოკოლოვსკი.
ტფილისი—სასახლე. 1928 წლის იანვრის 5.



ა/კხსრ საზომ-საწონთა შემოწმებელი პალატების მიერ ელექტრონის მრიცხველთა შემოწმებისათვის.

| ს ა მ უ შ ა ო თ ა ს ა ხ ე ლ წ ო დ ე ბ ა | | გამოსაღები | |
|--|--|------------|------|
| | | მან. | კაბ. |
| ა. მ რ ი ც ხ ვ ე ლ ი . | | | |
| შემოწმება მუდმივი ან ერთჯერადი ცვლადი დენის ელექტრონის მრიცხველისა არა უმეტეს 250 ვოლტის ჭინვისა და დენის უდიდესი ძალისათვის არა უმეტეს 5 ამპერისა | | 1 | 50 |
| იგივე, 5 ამპერზე მეტი 10 ამპერამდე | | 2 | — |
| იგივე, 10 ამპერზე მეტი 25 ამპერამდე | | 3 | — |
| იგივე, 25 ამპერზე მეტი 50 ამპერამდე | | 4 | — |
| იგივე, 50 ამპერზე მეტი 100 ამპერამდე | | 5 | — |
| იგივე, 100 ამპერზე მეტი 200 ამპერამდე | | 6 | — |
| იგივე, 200 ამპერზე მეტი 300 ამპერამდე | | 8 | — |
| იგივე, 300 ამპერზე მეტი 500 ამპერამდე | | 10 | — |
| იგივე, 500 ამპერზე მეტი 1000 ამპერამდე | | 15 | — |
| შემოწმება საშუაზიანი დენის ელექტრონის მრიცხველისა არა უმეტეს 250 ვოლტის ჭინვისა და დენის უდიდესი ძალისათვის არა უმეტეს 5 ამპერისა | | 2 | 25 |
| იგივე, 5 ამპერზე მეტი 10 ამპერამდე | | 3 | — |
| იგივე, 10 ამპერზე მეტი 25 ამპერამდე | | 4 | 50 |
| იგივე, 25 ამპერზე მეტი 50 ამპერამდე | | 6 | — |
| იგივე, 50 ამპერზე მეტი 100 ამპერამდე | | 7 | 50 |
| იგივე, 100 ამპერზე მეტი 200 ამპერამდე | | 9 | — |
| იგივე, 200 ამპერზე მეტი 300 ამპერამდე | | 12 | — |
| იგივე, 300 ამპერზე მეტი 500 ამპერამდე | | 15 | — |
| იგივე, 500 ამპერზე მეტი 1000 ამპერამდე | | 22 | 50 |
| იმ მრიცხველთა შემოწმებისათვის, სადაც ჭინვა აღემატება 250 ვოლტს 1000 ვოლტამდე, ზემოაღნიშნული სასყიდლის გარდა, დამატებით გადახდებიან უნდა იქნეს | | 1 | — |
| იგივე, როცა ჭინვა აღემატება 1000 ვოლტს 10.000 ვოლტამდე, დამატებით გადახდებიან უნდა იქნეს | | 2 | 50 |
| ბ. მ ზ ო მ ა ვ ი ტ რ ა ნ ს ფ ო რ მ ა ტ ო რ ე ბ ი . | | | |
| ტრანსფორმაციის კოეფიციენტისა და დენის მზომავი ტრანსფორმატორის ძვრის კუთხის განსაზღვრა დენის უდიდესი ძალისათვის არა უმეტეს 100 ამპერისა | | 5 | — |
| იგივე, 100 ამპერზე მეტი 500 ამპერამდე | | 7 | — |
| იგივე, 500 ამპერზე მეტი 1000 ამპერამდე | | 15 | — |
| ტრანსფორმაციის კოეფიციენტისა და მზომავი ტრანსფორმატორის ძვრის კუთხის განსაზღვრა არა უმეტეს 250 ვოლტის ჭინვისათვის | | 5 | — |
| იგივე, 250 ვოლტზე მეტი 500 ვოლტამდე | | 7 | — |
| იგივე, 500 ვოლტზე მეტი 1000 ვოლტამდე | | 9 | — |
| იგივე, 1000 ვოლტზე მეტი 10.000 ვოლტამდე | | 12 | — |

შენიშვნა. შემოწმებულ პალატის გარეშე მრიცხველისა და მზომავი ტრანსფორმატორის შემოწმებისათვის შემოწმების ნიხრი 20⁰/₀-ით გადიდება. ამოქვეყნებულია „ზარია ვოსტოკა“-ს 16 (1682) №-ში 1928 წლის იანვრის 20-ს.

დადგენილება № 4 ა/კსფსრ სახალხო კომისართა საბჭოსი.

17. 7 საათის სამუშაო დღის პრაქტიკულად განხორციელების საკითხის შესამუშავებლად ამიერკავკასიისა და რესპუბლიკანური კომისიების დაარსების შესახებ.

ა/კსფსრ სახალხო კომისართა საბჭო ადგენს:

1. 7 საათის სამუშაო დღის პრაქტიკულად განხორციელების საკითხის შესამუშავებლად, —სსრ კავშირის ცენტრალური აღმასრულებელი კომიტეტის 1927 წლის ოქტომბრის 15-ს მანიფესტის (სსრ კავშირის კანონთა კრებული 1927 წ. № 61, მუხ. 613) თანახმად, —დაარსებულ იქნეს ამიერკავკასიის კომისია შემდეგი შედგენილობით: თავმჯდომარე—ამხ. ალექსანდრე ივანეს ძე იაშვილი (ა/კსფსრ შრომის სახალხო კომისარი), ამხ. სეიდ-ჯაფარ იაკუბოვი (ამიერკავკასიის პროფ. კავშირთა საბჭოს თავმჯდომარე) და ამხ. მიხეილ ნიკოლოზის ძე სმირნოვი (ა/კსფსრ სახელმწიფო საგეგმო კომისიის თავმჯდომარე).

2. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—7 საათის სამუშაო დღის პრაქტიკულად განხორციელების საკითხის შესამუშავებლად მოაწიონ რესპუბლიკანური კომისიები შემდეგი შედგენილობით: თავმჯდომარე—შრომის სახალხო კომისარი და წევრები—პროფესიონალურ კავშირთა საბჭოს და სახალხო მეურნეობის უმაღლესი საბჭოს წარმომადგენელი.

3. წინადადება მიეცეს ამიერკავკასიის კომისიას, ერთი კვირის განმავლობაში დღიდან ამ დადგენილების გამოქვეყნებისა, შეიმუშაოს ამიერკავკასიისა და რესპუბლიკანური კომისიების მუშაობის წესი და მათი გამგებლობის საგნები და წარმოუდგინოს იგი დასამტკიცებლად ა/კსფსრ სახალხო კომისართა საბჭოს.

ა/კსფსრ სახალხო კომისართა საბჭოს თავმჯდომარე **შ. ელიავა.**

ა/კსფსრ სახალხო კომისართა საბჭ. საქმეთა მმართ. **ნ. სოკოლოვსკი.**

ტფილისი-სასახლე. 1928 წ. იანვრის 19.

გამოქვეყნებულია „ზარია ვოსტოკა“-ს 17 (1683) №-ში 1927 წ. იანვრის 21-ს.

დადგენილება № 5 ა/კსფსრ სახალხო კომისართა საბჭოსი.

18. მუშათა საბინაო მშენებლობის გეგმების წარდგენისა და აღწესების შესახებ.

ა/კსფსრ-ში წარმოებული მუშათა საბინაო მშენებლობის მოწესრიგებისა და აღწესებისათვის—ა/კსფსრ სახალხო კომისართა საბჭო ადგენს:

1. დაევალოს ყველა სახელმწიფო დაწესებულებასა და საწარმოს, სააქციო საზოგადოებას (საპაიო ამხანაგობას), კოოპერატიულ ორგანიზაციას და აღმას-

რულებელ კომიტეტს, რომელიც კი მუშათა საბინაო მშენებლობას ეწევა; წარუდგინოს მეორე მუხლით დადგენილ ვადაზე ა/კსფსრ შედგენილობაში შემავალი რესპუბლიკების შრომის სახალხო კომისარიატებთან არსებულ მუშათა საბინაო მშენებლობის დამხმარე კომიტეტებს—კუთვნილისამებრ—დამტკიცებულ საბიუჯეტო ასიგნებაზე დამყარებული საორიენტურო და ოპერატიული გეგმები აღნიშნული საბინაო მშენებლობისა და აგრეთვე საანგარიშო ცნობები ამ გეგმების განხორციელების შესახებ.

2. პირველ მუხლში აღნიშნული გეგმებისა და ანგარიშების წარდგენისათვის დადგენილ იქნეს შემდეგი უკიდურესი ვადა: ა) საორიენტურო გეგმებისათვის—საოპერაციო წლის წინა წლის აგვისტოს 1-ლი; ბ) ოპერატიული გეგმებისათვის—საოპერაციო წლის თებერვლის 1-ლი; გ) ანგარიშებისათვის—საოპერაციო წლის მომდევნო წლის იანვრის 1-ლი.

3. სახალხო მეურნეობის უმაღლესი საბჭოს გამგებლობაში მყოფ სამრეწველო საწარმოთა მიერ წარმოებული მუშათა საბინაო მშენებლობის გეგმებისა და ანგარიშების წარდგენა დაეკისროს ა/კსფსრ შედგენილობაში შემავალი სათანადო რესპუბლიკის სახალხო მეურნეობის უმაღლეს საბჭოს; საბინაო კოოპერაციის მიერ წარმოებული მუშათა საბინაო მშენებლობის გეგმებისა და ანგარიშების წარდგენა—სათანადო საბინაო-კოოპერატიულ შენაერთს; აღმასრულებელი კომიტეტების მიერ წარმოებული მუშათა საბინაო მშენებლობის გეგმებისა და ანგარიშების წარდგენა—იმავე აღმასრულებელ კომიტეტებს; ტრასპორტის მიერ წარმოებული მუშათა საბინაო მშენებლობის გეგმებისა და ანგარიშების წარდგენა, თანადად—ამიერკავკასიის რკინისგზის სამმართველოს, ამიერკავკასიის ადგილობრივი ტრანსპორტის საოლქო სამმართველოს და ამიერკავკასიის საპორტო განყოფილებას, რომელნიც ამ გეგმებსა და ანგარიშებს წარუდგენენ ა/კსფსრ შრომის სახალხო კომისარიატს და იმავე ა/კსფსრ შედგენილობაში შემავალი სათანადო რესპუბლიკის შრომის სახალხო კომისარიატთან არსებულ მუშათა საბინაო მშენებლობის დამხმარე კომიტეტს.

4. ყველა ის ორგანიზაცია და დაწესებულება, რომელიც ამა დადგენილების მე-3 მუხლში ჩამოთვლილ ორგანიზაციებს არ მიეკუთვნება, მუშათა საბინაო მშენებლობის გეგმებსა და ანგარიშებს დადგენილ ვადაზე წარუდგენს უშუალოდ ა/კსფსრ შედგენილობაში შემავალი სათანადო რესპუბლიკის შრომის სახალხო კომისარიატთან არსებულ მუშათა საბინაო მშენებლობის დამხმარე კომიტეტს.

5. მუშათა ინდივიდუალური საბინაო მშენებლობის აღნუსხვა და მის შესახებ ცნობების წარდგენა დაეკისროს აღმასრულებელ კომიტეტებს, რომელნიც ამ ცნობებს დადგენილ ვადაზე წარუდგენენ ა/კსფსრ შედგენილობაში შემავალი სათანადო რესპუბლიკის შრომის სახალხო კომისარიატთან არსებულ მუშათა საბინაო მშენებლობის დამხმარე კომიტეტს.

6. მუშათა საბინაო მშენებლობის დამხმარე რესპუბლიკანური კომიტეტი მუშათა მშენებლობის გეგმებსა და ანგარიშებს წარუდგენს ა/კსფსრ შრომის სახალხო კომისარიატს არა უგვიანეს ერთი თვისა იმ უკიდურესი ვადის გასვლისას, რაც მათი წადგენისათვის დაწესებულია ამა დადგენილების მე-2 მუხლით.

7. დაევალოს ა/კფსრ შრომის სახალხო კომისარიატს, ერთი თვის განმავლობაში დლიდან ამა დადგენილების გამოქვეყნებისა, გამოსცეს სათანადო ინსტრუქცია გეგმებისა და ანგარიშების წარდგენის ფორმის შესახებ.

ა/კფსრ სახალხო კომისართა საბჭოს
თავმჯდომარის მოადგილე დ. ჰუსეინოვი.

ა/კფსრ სახალხო კომისართა საბჭოს საქმეთა
მმართველი ნ. სოკოლოვსკი.

ტფილისი-სასახლე. 1928 წ. იანვრის 21.

გამოქვეყნებულია „ზარია ვოსტოკა“-ს 19 (1685) №-ში 1928 წ. იანვრის 24-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

19. მცირე შეძლების მოსახლეობისათვის ადგილობრივი გადასახადის ნარჩენისა, ჯარიმისა და საურავის მოხსნის შესახებ.

სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ მცირე შეძლების მოსახლეობისათვის გადასახადისა და რენტის ნარჩენისა, ჯარიმისა და საურავის მოხსნის შესახებ 1927 წლის ნოემბრის 2-ის თარიღით გამოცემული დადგენილების (სსრკ კან. კრებ. 1927 წლის № 61, მუხ. 619) აღსასრულებლად—ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისართა საბჭო ადგენენ:

1. მუშა-მოსამსახურეს და აგრეთვე იმ პირს, რომლისთვისაც დასაბეგრი ქონება შემოსავლის ერთად-ერთი წყაროა,—მოეხსნას სრულად შენობის გადასახადის საურავი, რაც მასზე 1927 წლის ნოემბრის 7-სათვის ირიცხება.
2. მოეხსნას სრულად მუშა-მოსამსახურეს და აგრეთვე იმ პირს, რომლისთვისაც დასაბეგრი ქონება შემოსავლის ერთად-ერთი წყაროა, ყველა სხვა ადგილობრივი გადასახადისა და გამოსაღების ნარჩენი, ჯარიმა და საურავი, რაც მასზე იმავე ვადისთვის ირიცხება.
3. წინადადება მიეცეს ა/კფსრ შედგენილებაში შემავალი რესპუბლიკების სახალხო კომისართა საბჭოებს დაევალონ სათანადო რესპუბლიკების ფინანსთა სახალხო კომისარებს გამოსცენ ინსტრუქციები ამა დადგენილების შესაფარდებლად.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კფსრ სახ. კომისართა საბჭოს თავმჯდომარე შ. ელიავა.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

ტფილისი-სასახლე. 1928 წ. იანვრის 16.

გამოქვეყნებულია „ზარია ვოსტოკა“-ს 20 (1686) №-ში 1928 წ. იანვრის 25-ს.

დადგენილება ამიერკავკასიის რკინისგზის გაფუძვლასთან არსებული საუწყებათაშორის სტაბრიშო თათბირისა.

1927 წლის დეკემბრის 7.

№ 9

20. ამიერკავკასიის საავტო-ტრანსპორტო სამრეწველო-სავაჭრო საზოგადოებისა და შოფერთა კოოპერატიული ამხანაგობის „მოტორ“-ის საქართველოს რესპუბლიკის ტერიტორიის ავტო-რეისების სამგზავრო ბილეთებზე მიზნობრივი გამოსაღების დაწესების შესახებ საავტო-ტრანსპორტო პროფტეხნიკური განათლების ფონდისათვის.

1. საქართველოს სახალხო კომისართა საბჭოს 1927 წლის ოქტომბრის 18-ის დადგენილების განსავითარებლად დაწესებულ იქნეს მიზნობრივი გამოსაღები ამიერკავკასიის საავტო-ტრანსპორტო სამრეწველო-სავაჭრო საზოგადოებისა და ბისა და შოფერთა კოოპერატიული ამხანაგობის „მოტორ“-ის საქართველოს რესპუბლიკის ტერიტორიის ავტო-რეისების სამგზავრო ბილეთებზე, საავტო-ტრანსპორტი პროფტეხნიკური განათლების ფონდისათვის, შემდეგი რაოდენობით:

- 1) ბილეთზე, რომელიც ღირს 5 მანეთამდე 5 კაპ.
- 2) „ „ „ 5-დან 10 მანეთამდე . . . 10 კაპ.
- 3) „ „ „ 10 მანეთი და მეტი . . . 15 კაპ.

2. ამიერკავკასიის საავტო-ტრანსპორტო სამრეწველო-სავაჭრო საზოგადოებისა და შოფერთა კოოპერატიული ამხანაგობის „მოტორ“-ის იმ ხარჯების ასანაზღაურებლად, რაც საჭირო იქნება აღნიშნული გამოსაღების ორგანიზაციის ტეხნიკისა და მისი აღნუსხვისათვის, — გამოსაღების საერთო თანხიდან გადარიცხოს 2% ხსენებულ ორგანიზაციათა სასარგებლოდ.

3. დადგენილება ესე დამტკიცებულია ამიერკავკასიის სახალხო კომისართა საბჭოს მიერ ამა წლის იანვრის 14-ის სხდომაზე (ოქმი № 2).

გამოსაღები ესე შემოღებულია 1928 წლის თებერვლის 1-დან და გადახდევინებულ უნდა იქნეს მის გაუქმებამდე.

ა/კ. რკ. გზ. გამგეობასთან არსებული საუწყ. სატ.

თათბირის საქმეთა მმართ., უფროსი ეკონ. ა. შ. ვერდერევსკი.

გამოქვეყნებულია „ზარია ვოსტოკა“-ს 20 (1686) №-ში 1928 წ. იანვრის 25-ს.

დადგენილება ამიერკავკასიის ცენტრალური აღმასრულებელი კომიტეტისა.

21. შინგამოხდილი არყის დამზადებასთან ბრძოლის ღონისძიებათა გაძლიერების შესახებ.

პურის დამზადების საქმის გასაძლიერებლად და შინგამოხდილი არყის დამზადებასთან საბრძოლველად, სსრკ ცენტრალური აღმასრულებელი კომიტეტისა და სახალხო კომისართა საბჭოს 1927 წლის დეკემბრის 27 დადგენილების („იზვესტია“ № 298, 1927 წ. დეკემბრის 29-ისა) თანახმად, წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს:

ა) ორი კვირის ვადაზე დააწესონ სათანადო სისხლის სამართლის კოდექსში, სოციალური დაცვის ღონისძიებათა შორის, — შინგამოხდილი არყის დამზადებისა, შენახვისა და გასაღებისათვის, რაც დევნილ უნდი იქნეს სისხლის სამართლის წესისამებრ, და აგრეთვე შინგამოხდილი არყის დასამზადებლად საჭირო სპეციალური აპარატების დამზადებისა, შენახვისა, რემონტისა და გასაღებისათვის, — ჯარიმა 500 მანეთამდე;

ბ) იმავე ვადაზე დააწესონ „ა“ პუნქტში აღნიშნული სახის ქმედობისათვის, უკეთუ იგი სათანადო სისხლის სამართლის კოდექსით გათვალისწინებული არ არის, პასუხისმგებლობა ადმინისტრატიული წესით, ერთ თვემდე იძულებითი მუშაობისა ან 100 (ას) მანეთამდე ჯარიმის შეფარდებით თვითიული ცალკე შემთხვევის გარემოებათა მიხედვით.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

ტფილისი-სასახლე. 1928 წ. იანვრის 11.

გამოქვეყნებულია „ზარია ვოსტოკა“-ს 21 1687) №-ში 1928 წ. იანვრის 26-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

22. რესპუბლიკანური მნიშვნელობის გზებისათვის ხელმძღვანელობისა და მეთვალყურეობის გაწევის შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:



1. რესპუბლიკანური მნიშვნელობის გზებისათვის საერთო ხელმძღვანელობისა, ინსტრუქტიობისა და მეთვალყურეობის გაწევა დაეკისროს ამიერკავკასიის ადგილობრივი ტრანსპორტის საოლქო სამმართველოს.

2. რესპუბლიკანური მნიშვნელობის გზების გაკეთებისა, რემონტისა და შენახვის ყველა საპერსპექტივო წლიური გეგმა და ხარჯთაღრიცხვა ადგილობრივი ტრანსპორტის რესპუბლიკანური სამმართველოს მიერ წარედგინება დასადასტურებლად სათანადო რესპუბლიკის სახალხო კომისართა საბჭოს, ხოლო ამ უკანასკნელის მიერ, სსრ კავშირის გზათა სახალხო კომისარიატის რწმუნებულის (ა/კსფსრ სახალხო კომისართა საბჭოსთან) მეშვეობით—ა/კსფსრ სახალხო კომისართა საბჭოს დასამტკიცებლად.

3. ამიერკავკასიის ადგილობრივი ტრანსპორტის საოლქო სამმართველო რესპუბლიკანური მნიშვნელობის გზების ტექნიკურ ზედამხედველობას განახორციელებს საინსპექტორო დათვალიერების მეშვეობით.

4. ამიერკავკასიის ადგილობრივი ტრანსპორტის საოლქო სამმართველო მისცემს ადგილობრივი ტრანსპორტის რესპუბლიკანურ სამმართველოებს ზოგადი ხასიათის წესებსა და ინსტრუქციებს, რაც მოაწესრიგებს საგზაო საქმის ტექნიკურ მხარეს სათანადო რესპუბლიკაში.

5. ადგილობრივი ტრანსპორტის რესპუბლიკანური სამმართველო საოპერაციო წლის განმავლობაში წარუდგენს დასამტკიცებლად სათანადო რესპუბლიკის სახალხო კომისართა საბჭოს საფინანსო-სატექნიკო ხასიათის კვარტალურ, ხოლო საბიუჯეტო წლის გასულს—საინფორმაციო ანგარიშს ამიერკავკასიის ადგილობრივი ტრანსპორტის საოლქო სამმართველოს მიერ დადგენილი ერთნაირი ფორმით.

6. ა/კსფსრ შედგენილობაში შემავალი რესპუბლიკების სახალხო კომისართა საბჭოების მიერ დამტკიცებული ანგარიშები ადგილობრივი ტრანსპორტის რესპუბლიკანური სამმართველოებისა წარედგინება ა/კსფსრ სახალხო კომისართა საბჭოს სსრ კავშირის გზათა სახალხო კომისარიატის რწმუნებულის (ა/კსფსრ სახალხო კომისართა საბჭოსთან) მეშვეობით.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭ. თავმჯდომარე შ. ელიავა.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

ტფილისი სასახლე. 1928 წლის იანვრის 16.

ვაკოქვეყნებულია „ზარია ვოსტოკა“-ს 22 (1688) №-ში 1928 წ. იანვრის 27-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

23. ოთხფეხი საქონლისა და ცხოველთა უმი პროდუქტების საფეტერინარო გასინჯვის გამოსაღების შესახებ.

ხორცის დამზადებისა და ხორცის ვაჭრობის ზედნადები ხარჯის შესამცირებლად ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. ა/კსფსრ-ის ადგილობრივი ფინანსების 1926 წლის აგვისტოს 9-ის დებულების (ა/კსფსრ კან. კრებ. 1926 წ. № 8, მუხ. 697) 51 მუხლი მიღებულ იქნეს შემდეგი რედაქციით:

„51. წინა (50) მუხლში აღნიშნული გამოსაღები არ უნდა აღემატებოდეს გასასინჯი ოთხფეხი საქონლისა და ცხოველთა უმი პროდუქტის ნორმალური შეფასების $\frac{1}{4}\%$ -ს და, ყოველ შემთხვევაში, ერთი სული მსხვილი რქოსანი საქონლისათვის 30 კაპიკზე მეტი არ უნდა იყოს“.

2. ზემოაღნიშნული 51 მუხლის შენიშვნა დარჩეს წინანდელი რედაქციით.

3. იმავე დებულების 54 მუხლის შენიშვნა გაუქმებულ იქნეს.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭოს
თავმჯდომარე შ. ელიავა.)

ა/კ. ცენტრ. აღმასრ. კომიტეტის მდივანი ა. შავერდოვი.

ტილისი — სასახლე. 1928 წ. იანვრის 16.

გამოქვეყნებულია „ზარია ვოსტოკა“-ს 22 (1688) №-ში 1928 წ. იანვრის 27-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

24. ა/კსფსრ უმაღლეს ეკონომიურ საბჭოსთან არსებული უმაღლესი საარბიტრაჟო კომისიის დებულების დამტკიცების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ: დამტკიცებულ და სამოქმედოდ შემოღებულ იქნეს შემდეგი დებულება.

ამიერკავკასიის ცენტრალური აღმასრულებელი
კომიტეტის თავმჯდომარე **მ. ცხაკაია.**

ა/კსფსრ სახალხო კომისართა საბჭოს თავმჯდომარე **შ. ელიავა.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდვი.**

ტფილისი-სასახლე. 1928 წ. იანვრის 30.

დებულება ა/კსფსრ უმაღლეს ეკონომიურ საბჭოსთან არსებული ამიერკავკასიის უმაღლესი საარბიტრაჟო კომისიის შესახებ.

1. სახელმწიფო დაწესებულებათა და საწარმოთა შორის ქონებრივი დავის გადასაწყვეტად ა/კსფსრ უმაღლეს ეკონომიურ საბჭოსთან მოეწყობა ამიერკავკასიის უმაღლესი საარბიტრაჟო კომისია.

2. ქონებრივ დავათა რიცხვიდან, რაც ამიერკავკასიის უმაღლეს საარბიტრაჟო კომისიას ექვემდებარება, გამოირიცხება:

ა) დავა ერთი და იმავე უწყების სახელმწიფო დაწესებულებათა და საწარმოთა შორის, უკეთუ ორივე მოდავე მხარე სახელმწიფო ბიუჯეტზე იმყოფება;

ბ) დავა, რაც გამომდინარეობს რკინისგზით გადაზიდვის ხელშეკრულებიდან და რაც მოწესრიგდება რკინისგზის წესდებით და აგრეთვე დავა, რაც მოწესრიგდება საფოსტო განაგზავნისათვის ფოსტა-ტელეგრაფის უწყების პასუხისმგებლობის შესახებ არსებული განსაკუთრებული წესებით;

გ) დავა, რაც სახელმწიფო ბანკისა და სახელმწიფო დაზღვევის გამგეობის ოპერაციების გამო აღიძვრის იმ შემთხვევაში, როდესაც სახელმწიფო ბანკი და სახელმწიფო დაზღვევის გამგეობა მოსარჩელე ან მოპასუხეა;

დ) დავა სახელმწიფო დაწესებულებათა და საწარმოთა საგადასახადო ორგანოებთან იმ გადასახადითა და გამოსაღებით დაბეგვრის გამო, რომელთა გადახდევინებაც, თანახმად მომქმედი კანონმდებლობისა, სწარმოებს უდავო წესით და აგრეთვე დავა ფინანსთა სახალხო კომისარიატის ორგანოებთან ბიუჯეტის შესრულების გამო;

ე) სარჩელი პროტესტქმნილი თამასუქის გამო, გარდა იმ შემთხვევისა, როდესაც სათამასუქო სარჩელის წინააღმდეგ, მომქმედი კანონების თანახმად, შეიძლება განცხადებულ იქნეს იმ გარიგებიდან გამომდინარე მისაგებელი, რაც თამასუქის გაცემას ან გადაცემას საფუძვლად დაედგა;

ვ) სარჩელი, რაც გამომდინარეობს საერთო ტიპის ხელშეკრულებიდან კომუნალური მომსახურების გამოყენების შესახებ, სახელდობრ: ტელეფონისა, ელექტრონისა, განათებისა, წყალსადენისა და აგრეთვე სადგომებისა.

შენიშვნა. მე-2 მუხლის „დ“ პუნქტში აღნიშნულ დავათა რიცხვს, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ „გადასახადთა გადახდევინების დებულების წესების ზოგიერთი კატეგორიის სახელმწიფო არასაგადასახადო შემოსავლის ვადაზე შეუტანელი გადასახდელის გადახდევინებაზე გავრცელების შესახებ“ 1926 წ. სექტემბრის 17-ის თარიღით გამოცემული დადგენილების (სსრკ კან. კრ. 1926 წ. № 64, მუხ. 182) თანახმად, არ მიეკუთვნება ისეთი დავა, რომლისთვისაც დადგენილია განსაჩივრების ორგვარი წესი: ადმინისტრაციული ან სასამართლო, გადამხდელის შეხედულებისამებრ, — სახელდობრ დავა: 1) სახელმწიფო საადგილ-მამულო ქონებისა და აგრეთვე სათევზაო და მხეცების ხოცვის სასარეწაოების და ტორფის ქაობების სარგებლობისათვის გაცემის ხელშეკრულებით გათვალისწინებული საიჯარო ქირის გამო; 2) მადნეულობის საბადოს სარგებლობისთვის გადასახდელის გამო, მიწის წიაღის შესახებ არსებულ კანონდებულებათა თანახმად; 3) მერქანის სამორე გადასახადის გამო.

3. ამიერკავკასიის უმაღლესი საარბიტრაჟო კომისია შესდგება თავმჯდომარისა, მისი მოადგილისა და წევრებისაგან — ხუთიდან თხუთმეტამდე.

ამიერკავკასიის უმაღლესი საარბიტრაჟო კომისიის თავმჯდომარეს, მის მოადგილეს და წევრებს დანიშნავს ა/კსფსრ უმაღლესი ეკონომიური საბჭო.

4. ამიერკავკასიის უმაღლესი საარბიტრაჟო კომისია განიხილავს ქონებრივ დავას:

ა) უკეთუ ერთი ან ორივე მოდავე მხარე არის ადგილობრივი ორგანო სსრ კავშირის ცენტრალური დაწესებულებისა ან ისეთი საწარმოსი, რომელიც არსებული წესით ცნობილია საერთო-საკავშირო საწარმოოდ და უკეთუ, ამასთანავე, სათანადო დაწესებულების ან საწარმოს ცენტრალური ორგანოს მეთაური არ მიითხოვს, რომ დავა გადასაწყვეტად სსრ კავშირის შროძისა და თავდაცვის საბჭოსთან არსებულ საარბიტრაჟო კომისიას გადაეცეს;

ბ) უკეთუ მოდავე მხარენი არიან სხვადასხვა მოკავშირე რესპუბლიკის დაწესებულებათა და საწარმოთა ცენტრალური ორგანოები და უკეთუ, ამასთანავე, ერთ-ერთი მოდავე მხარე არ მოითხოვს, რომ დავა გადასაწყვეტად სსრ კავშირის შრომისა და თავდაცვის საბჭოსთან არსებულ საარბიტრაჟო კომისიას გადაეცეს;

გ) უკეთუ ერთი ან ორივე მოდავე მხარე ა/კფსრ დაწესებულებათა და საწარმოთა ცენტრალური ორგანოა;

დ) უკეთუ ერთი ან ორივე მოდავე მხარე ა/კფსრ ცენტრალურ დაწესებულებათა და საწარმოთა ადგილობრივი ორგანოა;

ე) უკეთუ მოდავე მხარენი ა/კფსრ შედგენილობაში შემავალი სხვადასხვა რესპუბლიკის დაწესებულებათა და საწარმოთა ცენტრალური ორგანოები არიან.

შენიშვნა 1. 1000 მან. მეტი ღირებულების ქონებრივი დავა, როდესაც ერთი მხარე მე-4 მუხლში ჩამოთვლილი ერთ-ერთი დაწესებულება ან საწარმოა, ხოლო მეორე—კოოპერატიულ ორგანიზაციათა კავშირი ან შერეული სააქციო საზოგადოება, რომელშიაც სახელმწიფო კაპიტალი არ მეტობს,—ექვემდებარება ამიერკავკასიის უმაღლეს საარბიტრაჟო კომისიას, უკეთუ ხსენებული კავშირი ან სააქციო საზოგადოება ამ ქვემდებარეობის წინააღმდეგი არ არის.

შენიშვნა 2. ამა მუხლში და მის შენიშვნაში აღნიშნული ყველა დავა ექვემდებარება რესპუბლიკანურ საარბიტრაჟო კომისიას, უკეთუ სარჩელის ღირებულება 1000 (ერთი ათას) მან. არ აღემატება.

შენიშვნა 3. იმ დაწესებულებასა და საწარმოზე, რომელიც სახალხო მეურნეობის უმაღლეს საბჭოს ექვემდებარება, გავრცელდება ქვემდებარეობის წესები თანახმად სსრ კავშირის სახალხო მეურნეობის უმაღლეს საბჭოსთან არსებული საარბიტრაჟო კომისიის დებულებისა (კან. კრ. 1926 წ. მე-13 №-რი, მუხ. 90).

5. ამიერკავკასიის უმაღლესი საარბიტრაჟო კომისია მიიღებს საქმეს წარმოებისათვის ა/კფსრ მთავრობის უმაღლესი ორგანოების (ცენტრალური აღმასრულებელი კომიტეტი, სახალხო კომისართა საბჭო და უმაღლესი ეკონომიური საბჭო) განკარგულებით ან იმ დაწესებულებისა თუ საწარმოს წერილობითი განცხადებით, რომელიც თავის უფლებას დარღვეულად სთვლის.

6. დამამტკიცებელი საბუთების წარდგენა დაეკისრება საქმეში მონაწილე მხარეებს. უკეთუ საჭირო იქნება, ამიერკავკასიის უმაღლესი საარბიტრაჟო კომისია წინადადებას მისცემს მხარეთ—წარადგინონ დამატებითი დამამტკიცებელი საბუთები ან შეჰკრებს მათ თავისი ინიციატივით.

7. გადაწყვეტილების დადგენის დროს ამიერკავკასიის უმაღლესი საარბიტრაჟო კომისია გადასწყვეტს დავას უფლების შესახებ, რისთვისაც იხელმძღვანელებს საბჭოთა სამეურნეო პოლიტიკის საერთო პრინციპებს და სსრ კავშირისა, ა/კფსრ და ამ უკანასკნელის შედგენილობაში შემავალი რესპუბლიკების

მომქმედ კანონმდებლობას და აგრეთვე უწყებათა და ხელისუფლების ადგილობრივ ორგანოთა იმ განკარგულებებს, რაც გამოცემულია მათთვის მინიჭებული კომპენტიციის ფარგალში.

8. გადაწყვეტილების გამოტანის დროს ამიერკავკასიის უმაღლეს საარბიტრაჟო კომისიას შეუძლიან მიიღოს მხედველობაში საერთო-სახელმწიფოებრივი ინტერესები და დაადგინოს:

- ა) შესრულების ვადის გადადება ან განაწილება;
- ბ) შესრულების საგნის მეორე საგნად ან ფულის ეკვივალენტად შეცვლა;
- გ) გამონაკლის შემთხვევაში—სრული ან ნაწილობრივი განთავისუფლება ვალდებულებისა თუ პასუხისმგებლობისაგან.

ამა წესის შეფარდება საერთოდ და მთლიანად არ უნდა ეწინააღმდეგებოდეს საეაქრო ბრუნვის სიმტკიცის პრინციპს და ეს შეფარდება თვითეულ ცალკე შემთხვევაში დასაბუთებულ უნდა იქნეს.

9. გადაწყვეტილებაში ან ცალკე დადგენილებაში ამიერკავკასიის უმაღლესი საარბიტრაჟო კომისია აღნიშნავს შესრულების კონკრეტულ საშუალებას ან მისცემს ზოგად დირექტივს შესრულების საშუალების შესახებ.

10. ამიერკავკასიის უმაღლესი საარბიტრაჟო კომისიის გადაწყვეტილება საბოლოოა და არ განისაჩივრება.

11. ამიერკავკასიის უმაღლესი საარბიტრაჟო კომისიის გადაწყვეტილებას სასამართლოს გადაწყვეტილების ძალა აქვს და სისრულეში მოყვანილ უნდა იქნეს თვით მხარეთა მიერ. გადაწყვეტილება, რომელსაც მხარენი ამიერკავკასიის უმაღლესი საარბიტრაჟო კომისიის მიერ დადგენილ ვადაზე არ შეასრულებენ, მოყვანილ უნდა იქნეს სისრულეში იძულებითი წესით, განსაკუთრებული წესების თანახმად.

12. ა/კსფსრ შედგენილობაში შემავალი რესპუბლიკების ეკონომიურ საბჭოებთან არსებული საარბიტრაჟო კომისიების მოქმედების გასაცნობად—ამიერკავკასიის უმაღლეს საარბიტრაჟო კომისიას უფლება აქვს მოსთხოვოს მათ გადაწყვეტილებათა ასლისა და სხვა მისთვის საჭირო ცნობებისა, აგრეთვე წარმოებული საქმის დედნის წარდგენა.

13. უკეთუ ამიერკავკასიის უმაღლესი საარბიტრაჟო კომისია ა/კსფსრ შედგენილობაში შემავალი რესპუბლიკის ეკონომიურ საბჭოსთან არსებული საარბიტრაჟო კომისიის გადაწყვეტილებაში დაინახავს ეკონომიური პოლიტიკის პრინციპებისაგან გადახრას ან და ა/კსფსრ და სსრ კავშირის კანონების დარღვევას, იგი ამას აცნობებს სათანადო რესპუბლიკის ეკონომიურ საბჭოს და იმ საარბიტრაჟო კომისიას, რომელმაც გადაწყვეტილება გამოიტანა. უკეთუ ამიერკავკასიის უმაღლესი საარბიტრაჟო კომისია ერთი თვის განმავლობაში არ მიიღებს შეტყობინებას იმის შესახებ, რომ ა/კსფსრ შედგენილობაში შემავალი რესპუბლიკის ეკონომიურმა საბჭომ წინადადება მისცა მასთან არსებულ საარბიტრაჟო კომისიას—გადასინჯოს გადაწყვეტილება ამიერკავკასიის უმაღლესი საარ-

ბიტრაჟო კომისიის მიერ ნაჩვენები მიმართულებით,—იგი შეიტანს საკითხს ა/კსფსრ უმაღლეს ეკონომიურ საბჭოში.

14. ამიერკავკასიის უმაღლესი საარბიტრაჟო კომისია მოქმედებს განმწესრიგებელი, სასამართლო და პლენარული სხდომების შედგენილობით.

განმწესრიგებელ სხდომაზე გადაწყდება სასამართლო წარმოების კერძო საკითხი, რაც საქმის გარემოებათა განსამარტებლად მხარეთა გამოწვევას არ მოითხოვს.

სასამართლო სხდომაზე გადაწყდება საქმე არსებითად და აგრეთვე სასამართლო წარმოების კერძო საკითხები; მათ შორის განმწესრიგებელ სხდომაზე გადაწყვეტილიც, უკეთუ ერთ-ერთი მხარე აღძრავს შუამდგომლობას საკითხის გადასინჯვის შესახებ არა უგვიანეს 2 კვირისა განსაჩივრებული დადგენილების გამოტანის დღიდან.

პლენარული სხდომა, რომლის შედგენილობაც ყველა წევრთა რიცხვის ნახევარს მაინც უნდა უდრიდეს, მისცემს სახელმძღვანელო განმარტებას პრინციპიალური ხასიათის საკითხების შესახებ, რაც ამიერკავკასიის უმაღლესი საარბიტრაჟო კომისიის მუშაობაში აღიძვრის. პლენუმს უფლება აქვს გააუქმოს, ზედამხედველობის წესით, ამიერკავკასიის უმაღლესი საარბიტრაჟო კომისიის გადაწყვეტილება, რასაც მას გადასცემს ა/კსფსრ უმაღლესი ეკონომიური საბჭოს თავმჯდომარე ან ამიერკავკასიის უმაღლესი საარბიტრაჟო კომისიის თავმჯდომარე.

ამიერკავკასიის უმაღლესი საარბიტრაჟო კომისიის გადაწყვეტილების გაუქმების შესახებ პლენუმში საკითხის შეტანის უფლება ეკუთვნის აგრეთვე იმ პირს, რომელიც სასამართლო სხდომას თავმჯდომარეობა, უკეთუ გადაწყვეტილების გამოტანის დროს მან თავისი განსაკუთრებული აზრი განაცხადა.

15. ამიერკავკასიის უმაღლესი საარბიტრაჟო კომისიის მოქმედებიდან გამომდინარე პრინციპიალური ხასიათის დავის გადასაწყვეტად წელიწადში ორჯერ მაინც მოიწვევა კომისიის გაფართოებული პლენუმი თავმჯდომარისა, მისი მოადგილისა, კომისიის წევრთა და აგრეთვე ა/კსფსრ შედგენილობაში შემავალი რესპუბლიკების საარბიტრაჟო კომისიების თავმჯდომარეებისა და მათი მოადგილეების შედგენილობით.

16. ა/კსფსრ უმაღლეს ეკონომიურ საბჭოს ეკუთვნის უფლება ზედამხედველობა გაუწიოს ამიერკავკასიის უმაღლესი საარბიტრაჟო კომისიის მოქმედებას.

ა/კსფსრ უმაღლეს ეკონომიურ საბჭოს შეუძლიან, ზედამხედველობის წესით, შესცვალოს ან გააუქმოს ამიერკავკასიის უმაღლესი საარბიტრაჟო კომისიის გადაწყვეტილება და გადასცეს მას საქმე ხელახალი განხილვისათვის.

იმ დაწესებულებას, რომელსაც ა/კსფსრ უმაღლეს ეკონომიურ საბჭოში საკითხების უშუალოდ შეტანის უფლება აქვს, შეუძლიან წარუდგინოს უმაღლეს ეკონომიურ საბჭოს, არა უგვიანეს ერთი თვისა საქმისათვის დასაბუთებული გადაწყვეტილების დართვის დღიდან, საკითხი ამიერკავკასიის უმაღლესი საარბიტრაჟო კომისიის გადაწყვეტილების გადასინჯვის შესახებ (ზედამხედველობის წესით), უკეთუ უკმაყოფილება გადაწყვეტილების გამო 20.000 მანეთზე მეტ

თანხას შეეხება. ა/კფსრ უმაღლეს ეკონომიურ საბჭოს თავმჯდომარეს უფლება აქვს აღნიშნული შუამდგომლობა განუხილველად დასტოვოს.

17. ამიერკავკასიის უმაღლესი საარბიტრაჟო კომისიის საქმეთა წარმოებისა და გადაწყვეტილებათა იძულებითი აღსრულების წესებს და აგრეთვე კომისიაში წარმოებული საქმეებისათვის სასამართლო ბაჟისა და სხვა გამოსაღების გადახდევინების წესებს დაამტკიცებს ა/კფსრ უმაღლესი ეკონომიური საბჭო, კომისიის წარდგენითა.

18. ამა დებულების გამოცემისათანავე ძალას ჰკარგავს 1923 წ. მარტის 11-ს თარიღის დებულება ა/კფსრ ფარგლებში არსებულ სახელმწიფო დაწესებულებათა და საწარმოთა შორის ქონებრივი დავის გადაწყვეტის წესის შესახებ (ა/კფსრ კან. კრ. 1923 წ. № 4, მუხ. 42), შემდგომი ცვლილებებით, რაც აღნიშნულ დებულებაში შეტანილ იქნა 1923 წ. აპრილის 29-ს (ა/კფსრ კან. კრ. 1923 წ. № 7, მუხ. 92).

19. ა/კფსრ შედგენილობაში შემავალი რესპუბლიკების საარბიტრაჟო კომისიების დებულებანი შეთანხმებულ უნდა იქნენ ამიერკავკასიის უმაღლესი საარბიტრაჟო კომისიის ამა დებულებასთან.



საქართველოს სახკომსაბჭოს საქმეთა მმართველობის სტამბა.
 მთავლიტი № 817. დაიბეჭდა 1.000.